

# Akashvani, Sambalpur

## SAMBALPURI NEWS EVENING BULLETIN

27 March 2024- 7.02 pm- 7.12 pm.

\*\*\*\*\*

୧- ସାଧାରଣ ନିର୍ବାଚନ ଲାଗି ୧୫ ଟା ଲୋକସଭା ଆଉ ୭୧ ଟା ବିଧାନସଭା ଆସନ ଲାଗି ପ୍ରାର୍ଥୀ ତାଲିକା ଘୋଷଣା କଲା ବିଜୁ ଜନତା ଦଳ ।

୨- ଲୋକସଭା ନିର୍ବାଚନର ୨ ନମ୍ବର ଖେପ୍ ଲାଗି ଆଏବାକାଏଲ୍ ବାହାର୍‌ବା ବିଜୁପୁତ୍ର ।

୩- ପୁରୀ ଶ୍ରୀମନ୍ଦିର ନ ଶ୍ରୀଜୀଉମାନଙ୍କର ଚାଲିଛି ବନକଲାଗି ନୀତି ।

-ସଞ୍ଚର ୬ ନୁ ରାତି ୧୦ ବଜେତକ୍ ସର୍ବସାଧାରଣ ଦର୍ଶନ ବନ୍ଦ ।

ଆଉର

୪- ଶାନ୍ତି ଆଉ ସଂସ୍କୃତି ବାବ୍ଦେ ଲୋକମାନଙ୍କୁ ନାଟକ୍ ଜରିଏ ସଚେତନ୍ କରାବାର୍ ବାର୍ତ୍ତା ଦେଇକରି ଆଏଜ୍ ପାଲନ୍ ହେଉଛେ ବିଶ୍ୱ ନାଟ୍ୟ ଦିବସ୍ ।

## ବିଜେଡ଼ି - ପ୍ରାର୍ଥାତାଲିକା ଆରବନ୍ଧୁ/ ସମ୍ବଲପୁର

ସାଧାରଣ ନିର୍ବାଚନ ଲାଗି ବିଜୁ ଜନତା ଦଳ ତରଫୁ ୧୫ଟା ଲୋକସଭା ଆଉ ୭୧ଟା ବିଧାନସଭା ଆସନ ଲାଗି ପ୍ରାର୍ଥୀ ତାଲିକା ଆସକ୍ ଘୋଷଣା କରାଯାଇଛି । ଇ ବାବଦେ ବିଜୁ ଜନତା ଦଳର ସଭାପତି ତଥା ମୁଖ୍ୟମନ୍ତ୍ରୀ ନବୀନ ପଟ୍ଟନାୟକ ଗଣମାଧ୍ୟମକେ ସୂଚନା ଦେଇ କରି କହିଛନ୍ ଯେ, ପୁରୀ ଲୋକସଭା ଆସନକୁ ଅରୁପ୍ ପଟ୍ଟନାୟକ, ଜଗତସିଂହପୁରକୁ ରାଜଶ୍ରୀ ମଲ୍ଲିକ, କଟକକୁ ସନ୍ତୋଷ ମିଶ୍ର, କନ୍ଧମାଳକୁ ଅରୁପ୍ ସାମନ୍ତ, ଯାଜପୁରକୁ ସର୍ବିଷ୍ଣା ସେଠୀ, ଦେଢ଼ାନାଲ୍ କୁ ଅବିନାଶ୍ ସାମଲକୁ ପ୍ରାର୍ଥୀ କରାଯାଇଛି ।

ସେନ୍ତା ସମ୍ବଲପୁର ଲୋକସଭା ଆସନକୁ ପ୍ରଣବ ପ୍ରକାଶ ଦାସ, ସୁନ୍ଦରଗଡ଼ କୁ ଦିଲ୍ଲୀପ ତିର୍କୀ, କଳାହାଣ୍ଡି କୁ ଲକ୍ଷ୍ମଣଦତ୍ତ ନିଆଳ, ମୟୂରଭଞ୍ଜ କୁ ସୁଦାମ ମାରାଣ୍ଡି, କେନ୍ଦ୍ରାପଡ଼ାକୁ ଅଂଶୁମାନ ମହାନ୍ତି, ନବରଙ୍ଗପୁର କୁ ପ୍ରଦୀପ ମାଝୀ, ଭୁବନେଶ୍ୱରକୁ ମନୁଥ ରାଉତରାୟ, କୋରାପୁଟ କୁ କୌଶଲ୍ୟ ହିକ୍କା ଆଉ ଆସ୍କା ଲୋକସଭା ଆସନକୁ ରଞ୍ଜିତା ସାହୁକୁ ପ୍ରାର୍ଥୀ କରାଯାଇଛି ।

ସେନ୍ତା ୭୧ଟା ବିଧାନସଭା ଆସନ ଲାଗି ବିଜୁ ଜନତା ଦଳ ପ୍ରାର୍ଥୀ ତାଲିକା ଜାରି କରିଛି । ମୁଖ୍ୟମନ୍ତ୍ରୀ ନବୀନ ପଟ୍ଟନାୟକ ହିଞ୍ଜିଳି ବିଧାନସଭା ଆସନକୁ ନିର୍ବାଚନ ଲଢ଼ିବେ

ବଳି ଘୋଷନା କରିଛନ୍ । ସେନ୍ତା ପଶ୍ଚିମ ଓଡ଼ିଶାର ବରଗଡ଼କୁ ଦେବେଶ ଆଚାର୍ଯ୍ୟ, ବିଜେପୁର ନୁ ରୀତା ସାହୁ, ଭଲି ନୁ ସୁଶାନ୍ତ ସିଂ, ସୋନପୁର ନୁ ନିରଞ୍ଜନ ପୂଜାରୀ, ଲୋଇସିଂହା ନୁ ନିହାର ବେହେରା, ପାଟନାଗଡ଼ ନୁ ସରୋଜ ମେହେର, ବଲାଙ୍ଗିର ନୁ କଳିକେଶ ସିଂ ଦେଓ, ଟିଟିଲାଗଡ଼ ନୁ ଚୁକୁନି ସାହୁ, ନୂଆପଡ଼ା ନୁ ରାଜେନ୍ଦ୍ର ଢୋଲକିଆ, ଭବାନୀପାଟଣା ନୁ ଲତିକା ନାୟକ, ବୌଦ୍ଧ ଆସନକୁ ପ୍ରଦୀପ ଅମାତ ନିର୍ବାଚନ ଲଭ୍ବେ ।

ଇ ପ୍ରାର୍ଥୀ ତାଲିକାଥୁ ଏଛନ୍ତି ସରକାରରେ ଥିବା ମନ୍ତ୍ରୀ ଜଗନ୍ନାଥ ସାରକା, ନିରଞ୍ଜନ ପୂଜାରୀ, ପ୍ରଦୀପ ଅମାତ, ରୀତା ସାହୁ, ଅଶ୍ୱିନୀ ପାତ୍ର, ପ୍ରୀତିରଞ୍ଜନ ଘଡ଼େଇ, ଚୁକୁନି ସାହୁ, ରାଜେନ୍ଦ୍ର ଢୋଲକିଆ, ରଣେନ୍ଦ୍ର ପ୍ରତାପ ସ୍ୱାଇଁ, ପ୍ରତାପ ଦେବ, ଅତନୁ ସବ୍ୟସାଚୀ ନାୟକଙ୍କୁ ବିଜୁ ଜନତା ଦଳ ପ୍ରାର୍ଥୀ କରିଛେ ।

ସେଆଡ଼େ ବ୍ରହ୍ମଗିରି ବିଧାନସଭା ଆସନକୁ ଗଲା ନିର୍ବାଚନଥୁ ଲଢ଼ିଥିବା ସଞ୍ଜୟ କୁମାର ଦାସବର୍ମାଙ୍କୁ ସତ୍ୟବାଦୀନୁ ପ୍ରାର୍ଥୀ କରାଯାଇଥିବାବେଳେ ସତ୍ୟବାଦୀ ବିଧାୟକ ଉମା ସାମନ୍ତରାୟ ବ୍ରହ୍ମଗିରି ଆସନକୁ ପ୍ରାର୍ଥୀ ହେଇଛନ୍ । ବିଜୁ ଜନତା ଦଳର ଇ ପ୍ରାର୍ଥୀ ତାଲିକାଥୁ ୧୩ ଝନ୍ ନୂଆ ପ୍ରାର୍ଥୀଙ୍କୁ ସାମିଲ୍ କରାଯାଇଛେ । ଇତାର୍ ସହେତେ ଗଲା ସାଧାରଣ ନିର୍ବାଚନଥୁ ଲୋକସଭା ଆସନ୍ ଲାଗି ଲଢ଼ିଥିବା ୩ ଝନ୍ ପ୍ରାର୍ଥୀ ଇ ଥର୍ ବିଧାନସଭା ଆସନକୁ ଲଭ୍ବେ ।

ଲୋକସଭା ନିର୍ବାଚନର ୨ ନମ୍ବର ଖେପ୍ ଲାଗି ଆଏବା କାଏଲ୍ ବିଜ୍ଞପ୍ତି ବାହାରବା । ଇ ଖେପେ ୧୨ ଟା ରାଜ୍ୟ ଆଉ କେନ୍ଦ୍ରଶାସିତ ଅଂଚଲ୍ ଆର୍ ଆଉଟର୍ ମଣିପୁର୍ ଆସନ୍ ସହେତେ ୮୮ ଟା ଲୋକସଭା ଆସନ୍ ଲାଗି ଭୋଟ୍ ହେବା । କେରଳର ୨୦ ଟା ଆସନ୍, କର୍ଣ୍ଣାଟକ୍ ୧୪ ଟା, ରାଜସ୍ଥାନର ୧୩ ଟା, ଉତ୍ତରପ୍ରଦେଶ୍ ଆଉ ମହାରାଷ୍ଟ୍ରର ୮ ଟା ଲେଖା, ମଧ୍ୟପ୍ରଦେଶ୍ ୭ ଟା , ଆସାମ୍, ବିହାର୍ ୫ ଟା ଲେଖା, ପଶ୍ଚିମବଙ୍ଗ୍, ଛତିଶଗଡ୍ ୨ ଟା ଲେଖା ଆଉ ମଣିପୁର୍, ତ୍ରିପୁରା ଆଉ ଜାମ୍ମୁ କାଶ୍ମୀର୍ ର ଗୁଟେ ଲେଖା ଆସନ୍ ନ ଭୋଟ୍ ହେବା ।

ଇଥିର୍ଲାଗି ଆଏବା ମାସ ୪ ତାରିଖ୍ ତକ୍ ନାମାଙ୍କନ୍ ପତ୍ର ଦାଖଲ୍ କରାଯିବା । ଜାମ୍ମୁ-କାଶ୍ମୀର୍ ନ ୬ ତାରିଖ୍ ଦିନ ଆଉ ବାକି ରାଜ୍ୟ ଆଉ କେନ୍ଦ୍ରଶାସିତ ଅଂଚଲ୍ ନ ଏପ୍ରିଲ୍ ୫ ତାରିଖ୍ ଦିନ ନାମାଙ୍କନ ପତ୍ର ଯାଂର୍ କରାଯିବା । ଇ ସବୁ ଆସନ୍ ନ ପ୍ରାର୍ଥୀପତ୍ର ପ୍ରତ୍ୟାହାର୍ କର୍ବାର୍ ଶେଷ୍ ଦିନ୍ ଏପ୍ରିଲ୍ ୮ ତାରିଖ୍ ରହିଛେ । ଇତାର୍ଉତ୍ତରୁ ଏପ୍ରିଲ୍ ୨୬ ତାରିଖ୍ ଦିନ ଭୋଟ୍ ହେବା ବଳି ସୁଚନା ମିଳିଛେ ।

ଦେବଗଡ଼ ଜିଲ୍ଲା ନ ସାଧାରଣ ନିର୍ବାଚନର ୬ ନମ୍ବର  
ଖେପେ ଆଏବା ମେ ୨୫ ତାରିଖ ଦିନ ଭୋଟ୍ ନିଆଯିବା ।  
ଇଥିରୁଲଗି ଜିଲ୍ଲା ନ ମୋଟ୍ ୩ ଶହ ୩୮ ଟା ମତଦାନ କେନ୍ଦ୍ରର  
ବ୍ୟବସ୍ଥା କରାଯାଇଛି । ଜିଲ୍ଲାର ମୋଟ୍ ଭୋଟ୍‌ଦାତାଙ୍କର  
ସଂଖ୍ୟା ୨ ଲାଖ୍ ୫୦ ହଜାର ୨ ଶହ ୨୨ ଝନ୍ ଭିତରୁ ପୁରୁଷ  
ଭୋଟରଙ୍କର ସଂଖ୍ୟା ୧ ଲାଖ୍ ୨୫ ହଜାର ୩୨ ଥିବାର ବେଳେ  
ମହିଳା ଭୋଟରଙ୍କର ସଂଖ୍ୟା ୧ ଲାଖ୍ ୨୫ ହଜାର ଶହେ ୭୩  
ରହିଛି । ଜିଲ୍ଲାର ନିର୍ବାଚନ କାର୍ଯ୍ୟାଳୟ ସୁତ୍ରୁ ମିଳିଥିବା ସୂଚନା  
ଅନୁସାରେ ଜିଲ୍ଲା ନ ୧୭ ଝନ୍ ତୃତୀୟ ଲିଙ୍ଗ ଭୋଟର ଅଛନ୍ ।  
ନିର୍ବାଚନ ବାବଦେ ସାଧାରଣ ଲୁକ୍କର ଅଭିଯୋଗ୍ ଆସ୍‌ଲେ  
ଶହେ ମିନିଟ୍ ଭିତ୍ରେ ସେତାର୍ ସମାଧାନ କରାଯିବା ବଳି ଜିଲ୍ଲା  
ନିର୍ବାଚନ ଅଧିକାରୀ କହିଛନ୍ । ନିର୍ବାଚନର ସୁପରିଚାଳନା ଲାଗି  
ପୁଲିଂ ଅଧିକାରୀ ଆର୍ କର୍ମଚାରୀମାନଙ୍କୁ ତାଲିମ୍ ଦିଆଯାଇଛି ।  
ଇ ବାବଦେ ଆମର୍ ଦେବଗଡ଼ ସମ୍ବାଦଦାତାଙ୍କର୍ ରିପୋର୍ଟ...

(ଭଏସ୍ ଓଭର୍- ଦେବଗଡ଼ ସମ୍ବାଦଦାତା)

ସ୍ବାମୀ ସ୍ଵରଣାନନ୍ଦଜୀ ମହାରାଜ- ପରଲୋକ୍ ଆର୍‌ଏନ୍‌ସୁ/

କଟକ୍

ରାମକୃଷ୍ଣ ମିଶନ୍ର ଅଧକ୍ଷ ସ୍ଵାମୀ ସ୍ଵରଣାନନ୍ଦଜୀ ମହାରାଜଙ୍କର  
୯୫ ବକ୍ତର ବକ୍ଷେସେ ପରଲୋକ ହେଇଛେ । ତାଁକର  
ମୃତ୍ୟୁ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀଙ୍କର ସହେତେ  
ଅଲଗା ବହୁତ ସିଆନ୍ ସୁଜନ୍ ଶୋକପ୍ରକାଶ କରିଛନ୍ ।  
ରାଜ୍ୟପାଲ ରଘୁବର ଦାସ ସ୍ଵାମୀ ସ୍ଵରଣାନନ୍ଦଙ୍କର  
ବିୟୋଗ୍ଥୁ ଶୋକପ୍ରକାଶ କରବାର ସହେତେ ଆଧ୍ୟାତ୍ମିକ  
ଜଗତ ଲାଗି ଗୁଟେ ଅପୂରଣୀୟ କ୍ଷତି ବଳି କହିଛନ୍ ।  
ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ଶୋକ ପ୍ରକାଶ କରବାର  
ସହେତେ ସାମାଜିକ କଲ୍ୟାଣକେ ପ୍ରୋତ୍ସାହିତ କରବାର  
ଲାଗି ସ୍ଵରଣାନନ୍ଦଙ୍କର ଶିକ୍ଷା ଆଉ ବାର୍ତା ସମସ୍ତଙ୍କୁ  
ମାର୍ଗଦର୍ଶନ୍ କରାବା ବଳି କହିଛନ୍ । କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର  
ପ୍ରଧାନ ଭିଲ୍ ସ୍ଵାମୀ ସ୍ଵରଣାନନ୍ଦ ମହାରାଜଙ୍କର ପରଲୋକ  
ସମାଜ୍ ଖାସ୍କରି ଆଧ୍ୟାତ୍ମିକ ଜଗତ ଲାଗି ଗୁଟେ  
ଅପୂରଣୀୟ କ୍ଷତି ବଳି କହିଛନ୍ । ତାଁକର ଆଧ୍ୟାତ୍ମିକ୍ ଶିକ୍ଷା  
ସାରା ବିଶ୍ଵବାସୀଙ୍କର ଲାଗି ଗୁଟେ ମାର୍ଗଦର୍ଶକ୍ ହେଇ  
ରହେବା ବଳି ସେ କହିଛନ୍ ।

ବନକଲାଗି

ଆର୍ଏନ୍ୟୁ/ କଟକ୍

ପୁରୀ ଶ୍ରୀମନ୍ଦିର ନ ଚୈତ୍ ଅନ୍ଧାରପଣ ଦୁତିଆ ତିଥି ନ ଆଏଇ  
ଶ୍ରୀଜୀଉମାନଙ୍କର ବନକଲାଗି ନୀତି ଅନୁଷ୍ଠିତ ହେଉଛି ।  
ଇଥିରଲାଗି ଦୁତୀୟ ଭୋଗ ମଣ୍ଡପ ଭୋଗ ଶେଷ ହେବାର  
ଉତ୍ତରୁ ସଞ୍ଜର ୬ ବଜେନୁ ରାତି ୧୦ ବଜେତକ୍  
ସର୍ବସାଧାରଣ ଦର୍ଶନ ବନ୍ଦ ରହେବା । ଶ୍ରୀଜୀଉମାନଙ୍କର  
ଶ୍ରୀମୁଖ ଶୃଙ୍ଗାର - ବନକଲାଗି ଗୁଡ଼େ ଗୁପ୍ତ ନୀତି  
ହେଇଥିବାରୁ ଇ ନୀତି ସମିଆଥି ଗର୍ଭଗୃହର ସବୁ ଦୁଆର  
ବନ୍ଦ ରହେବା । ଦୁତିୟ ଭୋଗମଣ୍ଡପ ଉତ୍ତରୁ ଦତ ମହାପାତ୍ର  
ସେବକ ମାନେ ଗର୍ଭଗୃହ ନ ପ୍ରବେଶ୍ କରବେ । ଇତାର  
ଉତ୍ତରୁ ବନକଲାଗି ଗୁପ୍ତନୀତି ସରବା । ବନକଲାଗି ପରେ  
ମହାପ୍ରଭୁଙ୍କର ମହାସ୍ନାନ ନୀତି ହେବା । ମହାସ୍ନାନ ଉତାରୁ  
ଶ୍ରୀଜୀଲୁମାନେ ଶ୍ରୀବିଗ୍ରହମାନଙ୍କର ଦର୍ଶନ କରିପାରବେ ।

ଦୁର୍ଦ୍ଦିଗଣା      ବଳାଙ୍ଗିର ସମ୍ପାଦଦାତା

ବଳାଙ୍ଗିର -ଖୋର୍ଦ୍ଧା ୫୭ ନମ୍ବର ଜାତୀୟ ରାଜପଥ ଭଦ୍ରାପାଲି  
ଟୋଲ୍‌ଗେଟ୍ ପାଖେ ଆଏଇ ଗୁଡ଼େ ସଡ଼କ୍ ଦୁର୍ଦ୍ଦିଗଣାଥି ୨  
ଝଙ୍କର ଜୀବନ୍ ଯାଇଛି । ୨ ଝନ୍ ଯୁଆନ୍ ପିଲା  
ସୋନ୍‌ପୁର ନୁ ଗୁଡ଼େ ମଟର ସାଇକଲ୍‌ଥି ବଳାଙ୍ଗିର  
ଆସୁଥିବାର ବେଲେ ଗୁଡ଼େ ବସ୍ ସାଙ୍ଗେ ଧକ୍କା ହେବାରୁ

ଦୁର୍ଘଟଣା ଘଟିଥିଲା । ପୁଇଁତଲା ପୁଲିସ୍ ଘରନା ଜାଗାକେ  
ଯାଇକରି ତଦତ୍ତ ମୁଲ୍ କରିଛେ । ଆଉ ଗୁଟେ ଦୁର୍ଘଟଣାଥି  
କୋରାପୁର୍ ରାୟଗଡ଼ା ରାଜପଥ ନ ଗୁଟେ ଯାତ୍ରୀବାହୀ ବସ୍  
ଦୁର୍ଘଟଣାଗ୍ରସ୍ତ ହେବାରନ୍ତୁ ସେହିଜାଗା ନ ଝନକର୍ ଜୀବନ୍  
ଯାଇଥିବାର୍ ବେଲେ ୧୩ ଝନ୍ ଆହତ୍ ହେଇଛନ୍ ବଲି  
ଆମର୍ ସମ୍ବାଦଦାତା ଜନେଇଛନ୍ ।

ବିଶ୍ୱ ନାଟ୍ୟ ଦିବସ୍ ଆରବନ୍ଧୁ/ କଟକ୍

ନାଟକ୍ ମୂଲ୍ୟ ଆଉ ସମାଜ୍ ଉପରେ ତାର୍ ପ୍ରଭାବ୍ କେ  
ଉଜ୍ଜିବିତ କରବାର୍ ଲାଗି ଆଏଜ୍ ବିଶ୍ୱ ନାଟ୍ୟ ଦିବସ୍ ପାଳନ୍  
କରାଯାଉଛେ । ଆନ୍ତର୍ଜାତିକ ଥିଏଟର୍ ପ୍ରତିଷ୍ଠାନ୍ ତରଫୁ ୧୯୬୧  
ମସିହାନ୍ତୁ ଇ ଦିବସ୍ ପାଳନ୍ କରାଯାଇଆସୁଛେ । ଶାନ୍ତି ଆଉ  
ସଂସ୍କୃତି ଭିତ୍ରେ ଲୋକମାନ୍କୁ ସଚେତନ୍ କରାବାର୍ ବାର୍ତ୍ତା  
ନେଇକରି ବିଶ୍ୱ ନାଟ୍ୟ ଦିବସ୍ ପାଳନ୍ କରାଯାଏସି ।

ଇ ଅବସରେ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ଓଡ଼ିଆ ନାଟକ୍  
ଜଗତ୍ କେ ସମୃଦ୍ଧ କରିଥିବା ମହାପୁରୁଷଙ୍କୁ ସମ୍ମାନ୍ ଆଉ  
ଶୁଭେଚ୍ଛା ଜନାବାର୍ ସହେତେ ଉତ୍କୃଷ୍ଟ କଳାର ରାଜ୍ୟ ଓଡ଼ିଶା  
ନ କଳା ଆଉ ସଂସ୍କୃତିର ପ୍ରସାର୍ଥ ନାଟକ୍ ବଡ଼ ଭୂମିକା  
ରହିଛେ ବଲି କହିଛନ୍ । ବିଶ୍ୱ ନାଟ୍ୟ ଦିବସ୍ ଅବସରେ



ରାଜ୍ୟର ଭିନ୍ନ ଭିନ୍ନ ଜାଗା ନ ନାଟ୍ୟ ଅନୁଷ୍ଠାନମାନଙ୍କର  
ତରଫୁ ଆଲୋଚନାଚକ୍ର, ନାଟକ ଆଉ ନାଟ୍ୟକାର ସମ୍ମାନ  
ସମାରୋହ ଆୟୋଜନ କରାଯାଉଛି ।

ମିଡ଼ିଆ ସୁବିଧା ପୋର୍ଟାଲ ପି.ଆଇ.ବି

ପତ୍ର ସୂଚନା କାର୍ଯ୍ୟାଳୟ ତରଫୁ ସାଧାରଣ ନିର୍ବାଚନ ୨୦୨୪  
ବିଷେ ଜାନ୍‌ବାର ଲାଗି ଗୁଟେ ମିଡ଼ିଆ ସୁବିଧା ପୋର୍ଟାଲର  
ଶୁଭାରମ୍ଭ କରାଯାଇଛି । ରିପୋର୍ଟ କରୁଥିବା ମିଡ଼ିଆ  
କର୍ମୀମାନଙ୍କର ଲାଗି ଭିନ୍ନ ଭିନ୍ନ ବିଶେଷତ୍ୱ ଥିବାର  
ମାଇକ୍ରୋସାଇଟ୍

[pib.gov.in/elect2024/index.asps](http://pib.gov.in/elect2024/index.asps) ମୁଲ  
ହେଇଛି । ଇଟା ଗୁଟେ ଡିଜିଟାଲ୍ ଫ୍ଲିପ୍ ବୁକ୍ ଆଏ । ଇଥି  
ଆବଶ୍ୟକ୍ ବିଶ୍ଳେଷଣ ଆଉ ତେଟା ଉପରେ ଆଧାରିତ୍ ଫିଚର୍  
ରହିଛି । ଯେନ୍‌ଟାକି ମିଡ଼ିଆ କର୍ମୀମାନେ ବେଭାର  
କରିପାର୍‌ବେ । ଇଥି ଉପଯୋଗୀ ଲିଙ୍କ୍ ଭିଲ୍ ରହିଛି । ଯେନ୍‌ଥି  
ସାମ୍ବାଦିକ୍‌ମାନେ ନିର୍ବାଚନ କର୍ମିଶନ୍‌ଙ୍କର ଓ୍ଵେବ୍‌ସାଇଟ୍‌ର  
ପ୍ରାସଙ୍ଗିକ ଅଂଶ ଦେଖ୍‌ପାର୍‌ବେ । ଇତାର୍‌ଛଡା ସାଧାରଣ  
ନିର୍ବାଚନର ଭିନ୍ନ ଭିନ୍ନ ଖେପ୍‌ର କାର୍ଯ୍ୟକ୍ରମ୍ ପ୍ରସ୍ତୁତି ବାବ୍‌ଦର  
ତଥ୍ୟ ଦିଆଯିବାର୍ ସହେତେ ନିର୍ବାଚନ କର୍ମିଶନ୍‌ର ଅଧିସୂଚନା

ବିଷେ ଅପ୍ତେଟ୍ ଭିଲ୍ ବାସ୍ତବିକ୍ ସମିଆ ଆଧାର୍ଥ୍ ଅପ୍ଲୋଡ୍  
କରାଯାଏସି ।

ପାଣିପାଗ ଆର୍ଏନ୍ୟୁ/ କଟକ୍

ମେଘ ନାହିଁଥିବାରୁ ରାଏଜେ ପାଗ ସୁଖା ରହେବାର୍ ସହେତେ  
ତାପମାତ୍ରା ବଢ଼ିଛେ । ଖାସ୍ କରି ଉପକୂଳ ଅଂଚଲ୍ ଆର୍  
ଭିତ୍ରିଆ ଇଲାକା ମାନକେ ତାପମାତ୍ରା ବଢ଼ବା ବଲି  
ଭୁବନେଶ୍ୱର୍ ଅଂଚଲିକ୍ ପାଣିପାଗ୍ ବିଜ୍ଞାନ୍ କେନ୍ଦ୍ର ତରଫୁ  
କୁହାଯାଇଛେ । ଆଏବା ଦିନେ ପଶ୍ଚିମ ଓଡ଼ିଶାର୍ ଭିନ୍ ଭିନ୍  
ଜାଗା ନ ତାପମାତ୍ରା ୪୦ ଡିଗ୍ରୀ ପାର୍ କରବା ଆର୍  
ସ୍ୱାଭାବିକ୍ତୁ ୩ ନୁ ୫ ଡିଗ୍ରୀତକ୍ ତାପମାତ୍ରା ବଢ଼ବାର୍  
ସମ୍ଭାବନା ରହିଛେ ।